

PRAVILNIK 16. INTERBIFEP-a

ORGANIZATOR

Internacionalni bienalni festival portreta INTERBIFEP organizuje Međunarodna galerija portreta Tuzla.

ZADATAK

INTERBIFEP je međunarodni festival portretnog stvaralaštva u oblasti crteža, grafike, fotografije i video art portreta, uz uvažavanje svih individualnih sklonosti autora i stilskih pravaca u savremenoj likovnoj umjetnosti.

USLOVI IZLAGANJA

Svaki autor može biti zastupljen sa najviše pet radova nastalih u posljednje dvije godine a najmanje sa tri (autori koji izlažu četiri ili pet radova, prihvataju da jedan rad koji oni odrede bude poklonjen Organizatoru za njegovu Internacionalnu zbirku portreta). Dimenzije radova ne mogu biti veće od **100 x 80 cm** a autori koji se prijavljuju za učešće sa video art portretom treba da pošalju rad koji predstavlja kratku formu max. do **5 minuta**. Umjetnici ne mogu bez saglasnosti Organizatora povući svoja djela za vrijeme trajanja izložbe.

DATUM OTVARANJA I ZATVARANJA IZLOŽBE

INTERBIFEP se otvara 2. oktobra i traje do 2. novembra 2015.godine.

OBJAVA KONKURSA I SELEKCIJA

INTERBIFEP je otvoreni konkurs.

Dokumenti potrebni za podnošenje prijave i učešće na 16. INTERBIFEP-u će se nalaziti na web stranici Galerije. Autori koji se prijavljuju dužni su na mail: interbifep@gmail.com, poslati **fotografisane radove u formatu jpg max do 2MB**, a video art portret slati uploadovan preko youtube-a (www.youtube.com) ili vimea (www.vimeo.com) sa linkom dostavljenim u prijavi. Autori su dužni da za radove (izuzev onih koje poklanjaju Organizatoru) navedu prodajnu cijenu u EUR-ima u brutto iznosu.

Svi umjetnici koji se prijavljuju za učešće su dužni sve potrebne podatke dostaviti na navedeni mail do **25. aprila 2015.** godine.

Radovi sa kojima se autori prijavljuju za učešće moraju biti isti radovi koji će biti poslani i na INTERBIFEP ukoliko prođu selekciju. Selektor festivala **20. maja 2015.** godine objavljuje spisak autora koji će se pozivati da svoje radove pošalju preporučenom poštom što je objašnjeno u sljedećem poglavlju. Organizator zadržava pravo da pozove određen broj autora koji ne podliježu selekciji.

NAČIN SLANJA I VRAĆANJA RADOVA

Crteži, grafike i fotografije se šalju bez paspartua i okvira, u čvrstoj rolnoj, kao preporučena pošiljka. Autori koji učestvuju sa fotografijama dužni su radove slati u rezoluciji 300 dpi. Na isti način Organizator vraća radove autorima poslije izlaganja u Tuzli. Prilikom preuzimanja radova Organizator sastavlja zapisnik o njihovom stanju i o tome obavještava autore. Radovi se vraćaju umjetnicima najkasnije 45 dana nakon zatvaranja izložbe.

ROK ZA DOSTAVU RADOVA

Radove i prijavni karton ispunjen podacima koji su potrebni Organizatoru za katalog treba dostaviti najkasnije do **30. jula 2015.** preporučenom poštom na adresu: Međunarodna galerija portreta Tuzla, ul. 2. tuzlanske brigade 13, 75000 Tuzla, Bosna i Hercegovina.
Galerija nije u obavezi preuzeti radove poslane kurirskim službama (DHL,Fedex...).

PRIZNANJA I NAGRADE

Diploma za crtež – otkupna nagrada
Diploma za grafiku – otkupna nagrada
Diploma za video art portret
Diploma za fotografiju
Diploma „Ismet Mujezinović“
Diploma „James H. Pinto“
Nagrada publike za portret

Nagrade dodjeljuje Međunarodni žiri a proglašenje nagrađenih autora će biti obavljeno 2. novembra 2015. godine na svečanoj ceremoniji. Imena nagrađenih autora će biti objavljena i na službenoj web stranici Galerije. Otkupne nagrade za crtež i grafiku se isplaćuju u EUR-ima i treba da budu podignute u roku od jedne godine.

Nagrađeni strani autori mogu podići pripadajući iznos i preko ovlaštenog lica ili posredstvom ambasade svoje zemlje u BiH.

Organizator zadržava pravo da u okviru svojih finansijskih mogućnosti otkupi i druge radove.

OSIGURANJE

Organizator osigurava sva djela posredstvom špeditorske agencije u Tuzli za period od preuzimanja djela do njihovog vraćanja autorima.

DOKUMENTI

Organizator izložbe priprema i objavljuje katalog izložbe na bosanskom, engleskom i francuskom jeziku, koji će se moći preuzeti u PDF formatu sa zvanične web stranice Galerije. Podatke za katalog Organizator uzima iz Prijavnog kartona koji su izlagači dostavili zajedno sa radovima. Izlagači prepuštaju Organizatoru izložbe pravo na reprodukovanje radova za katalog, dokumentaciju i ostale oblike propagande INTERBIFEP-a

KONTAKT ADRESA

Sve radove treba slati **preporučenom poštom** na adresu:

Međunarodna galerija portreta Tuzla,
2. tuzlanske brigade br. 13
75000 Tuzla, Bosna i Hercegovina
Tel/fax: ++ 387 35 276 150, ++ 387 35 252 002
GSM: ++ 387 61 185 733 (bosanski)
GSM: ++ 387 61 881 747 (engleski)
www.galerijaportreta.ba
interbifep@gmail.com